



BASES PARA A CREACIÓN DUNHA BOLSA DE EMPREGO PARA A CONTRATACIÓN LABORAL TEMPORAL DE CONDUCTORES DE VEHÍCULO MOTOBOMBA PARA PARTICIPAR NA PREVENCIÓN E DEFENSA CONTRA INCENDIOS FORESTAIS MEDIANTE A ACTUACIÓN DUN VEHÍCULO MOTOBOMBA.

PRIMEIRA: As presentes bases teñen por obxecto a regulación do procedemento selectivo para a contratacións laborais temporais do Convenio de Colaboración entre a Consellería do Medio Rural e do Mar e o Concello de Porto do Son para a participación na prevención e defensa contra incendios forestais mediante a actuación dun vehículo motobomba, o obxecto desta contratación é actuar nas tarefas de vixilancia, prevención e defensa contra incendios forestais coa finalidade de evitar os mesmos ou, cando menos, de minorar as súas consecuencias e o seu impacto negativo, colaborando na extinción de incendios forestais integrándose no dispositivo de emerxencias do Distrito Forestal onde se sitúe o concello. A natureza dos contratos será laboral temporal, a modalidade e duración determinarase para cada contratación en función das necesidades do servizo, a retribución será a establecida no Convenio colectivo do Concello de Porto do Son, os primeiros quince días do contrato de traballo constitúen o período de proba. A duración da contratación comprenderá dende o 01/07/2014 ata o 15/10/2014.

SEGUNDA: É de aplicación as disposicións da Lei 7/2007, de 12 de abril, do Estatuto Básico do Empregado Público no que atinxe ás especialidades do emprego público desta natureza, así como a normativa concordante.

TERCEIRA: As persoas interesadas en tomar parte desta bolsa de emprego, deberán reunir os seguintes requisitos:

- a) Ser español ou cidadán dun país membro da Unión Europea ou dalgún dos Estados aos que sexa de aplicación a libre circulación de traballadores nos termos definidos no Tratado constitutivo da Unión Europea, en virtude de Tratados Internacionais celebrados pola UE e ratificados por España.
- b) Ter cumpridos os 16 anos de idade e non exceder, no seu caso, da idade máxima de xubilación forzosa.
- c) Non padecer enfermidade nin defecto físico ou psíquico que impida o desenvolvemento das correspondentes funcións.
- d) Non ter sido separado mediante expediente disciplinario do servizo do Estado, CC.AA. ou das EE.LL., nin atoparse inhabilitado para o exercicio das funcións públicas.
- e) Posuír o carnet de conducir: C1.

CUARTA: Publicidade da convocatoria. As persoas interesadas deberán presentar a correspondente solicitude dirixida ao Sr. Alcalde, consonte ao modelo que se facilitará nas oficinas municipais, no rexistro xeral do Concello de 9:00 a 13:30 horas. O prazo de presentación de solicitudes será de 5 (cinco) días hábiles a contar desde o día seguinte ao da publicación do anuncio no xornal El Correo Gallego, se o último día de prazo fose inhábil, entenderase prorrogado ao primeiro día hábil seguinte.

A instancia irá inescusablemente acompañada da seguinte documentación:

FIXADO NO TABOLEIRO DE EMBUSCA
o día 17 de XUNO de 2014
Retirado
o día de de 20.....
O/A Funcionaria



CONCELLO DE
PORTO DO SON



- a) *Fotocopia compulsada do Documento Nacional de Identidade, ou resguardo do mesmo, ou pasaporte. No suposto de nacionais doutros estados, pasaporte ou documento válido que acredite a súa identidade e o visado correspondente, de ser este esixible; e no seu caso, o permiso de residencia en vigor.*
- b) *Fotocopia compulsada do carnet de conducir: C1.*
- c) *Documentación acreditativa dos méritos alegados.*

As instancias tamén poderán presentarse a través do procedemento previsto no artigo 38.4 da Lei 30/1992, de 26 de novembro, de Réxime Xurídico das Administracións Públicas ou Procedemento Administrativo Común. Se optan por presentar a solicitude nunha oficina de Correos, farano en sobre aberto para que a instancia sexa datada e selada polo funcionario de Correos antes de ser certificada. Neste caso e cando se presente a instancia noutro Rexistro Público diferente ao do Concello de Porto do Son, os solicitantes antes de rematar o prazo de presentación de solicitudes deberán remitir copia da instancia debidamente selada ou rexistrada ao número de fax do Concello: 981767358. No caso de non remitir esta documentación vía fax, se terán por desistidos da súa petición.

QUINTA: Na selección valoraranse os seguintes méritos:

1.- **Servizos prestados** na Administración como conductor de vehículo motobomba, ata a data de publicación das bases, **acreditaranse mediante certificado de empresa ou certificado de servizos prestados/vida laboral (adxuntando contratos),**

0,10 puntos por mes traballado ata un **máximo de 3 puntos.**

2.- **Proba práctica** a desenvolver polos aspirantes, **realizarase na explanada do Peirao do Porto do Son o día hábil seguinte (agás que cadre en sábado), ao do remate do prazo de presentación de solicitudes, ás 10:00 horas.** Consistirá na realización dunha proba de manexo do camión motobomba. **Valorarase de 0 a 7 puntos.**

3.- **Proba física eliminatória** a desenvolver polos dous aspirantes que acadaron a maior puntuación na suma dos servizos prestados e da proba práctica, segundo o baremo fixado no anexo II do convenio asinado entre a Xunta de Galicia e o Concello de Porto do Son.

Para as contratacións que se leven a cabo en execución do convenio, de asinarse, seleccionaranse aos dous conductores que obteñan a mellor puntuación.

No suposto de empate nas puntuacións de dous ou máis aspirantes, esta resolverase pola puntuación obtida na proba práctica e se isto non fora suficiente de persistir o empate resolverase mediante sorteo público entre os candidatos con igual puntuación.

SEXTA: O Tribunal estará integrado polos seguintes membros:

Presidente: Persoal designado polo do Distrito Forestal IV da Xunta de Galicia.

Vogal: Sonia Pérez lado.

Secretario: Julio Seijas Arufe.



SÉTIMA: Valorados todos os méritos alegados polos aspirantes que reúnan as condicións esixidas, o tribunal formulará a correspondente relación de aspirantes ordenados de maior a menor puntuación, co resto de solicitantes formarase unha bolsa de traballo para cubrir as contratacións posibles ou para atender necesidades imprevistas.

OITAVA: Presentación da documentación polos aspirantes aprobados. Os candidatos seleccionados deberán presentar no Rexistro Xeral de Entrada do Concello de Porto do Son en horario de 9:00 a 13:30, no prazo de 1 día natural (se o último día do prazo fose inhábil, trasladarase ao primeiro hábil seguinte) dende que se faga pública a relación de aprobados (mediante anuncio no Taboleiro do Concello) os documentos acreditativos das condicións de capacidade e demais requisitos esixidos na convocatoria:

- **Declaración xurada de non atoparse incurso en causa de incapacidade ou incompatibilidade.**

De non presentarse dita documentación no prazo indicado (salvo casos de forza maior) ou no caso de deducirse da documentación que non se reúnen os requisitos esixidos, o aspirante non poderá ser contratado; sen prexuízo da responsabilidade en que puidese incorrer por falsidade na súa solicitude de participación. Neste suposto, o Alcalde-Presidente contratará ao seguinte aspirante aprobado por orde de puntuación.

NOVENA: En todo o non previsto por estas Bases, os contratos rexeranse polo disposto na lexislación reguladora dos contratos de duración determinada e no Estatuto dos Traballadores, así como pola lexislación vixente en materia de función pública que sexa de aplicación ao persoal laboral dos entes locais.

DECIMA: Para as posibles contratacións que resulten da presente bolsa de emprego será condición necesaria a sinatura do convenio de colaboración entre a Consellería do Medio Rural e do Mar e o Concello de Porto do Son

Porto do Son, 18 de xuño de 2014

O ALCALDE

Asd.: José Luis Oujo Pouso.



MODELO DE INSTANCIA.

D/Dna. _____ de _____ anos, con domicilio en
_____, nº _____, piso _____ C.P. _____,
teléfono _____, D.N.I. _____

EXPÓN:

1º) Que desexo participar no proceso de creación dunha bolsa de emprego convocado polo Concello de Porto do Son para a selección de CONDUCTORES VEHÍCULO MOTOBOMBA.

2º) Que reúno todos os requisitos esixidos referidos á data de finalización do prazo sinalado para a presentación da solicitude nas bases, que acepto e declaro coñecer, e que son certos os datos obrantes na presente instancia, comprometéndome a probar documentalmente todos os datos que figuran nesta solicitude.

Adxunto coa presente instancia (SINALAR CUN X)

- fotocopia compulsada do DNI.
- fotocopia compulsada do carnet de conducir: C1.
- documentación que xustifique os méritos que se aleguen.

Por todo o exposto, SOLICITO:

SER ADMITIDO A PARTICIPAR NA FORMACIÓN DUNHA BOLSA DE EMPREGO PARA A CONTRATACIÓN DE CONDUCTOR DE VEHÍCULO MOTOBOMBA, EN RÉXIME DE CONTRATACIÓN LABORAL TEMPORAL DO CONCELLO DE PORTO DO SON.

En Porto do Son, _____ de _____ de 2014.

(sinatura)

SR. ALCALDE PRESIDENTE DO CONCELLO DE PORTO DO SON.